



22/10/2018

From: [catlinne@jerriais.je](mailto:catlinne@jerriais.je)

To: [miche@jerriais.je](mailto:miche@jerriais.je)

Subject: Salut!

Bouônjour Miché!

Comment qu'tu'es?

Pouor les préchaines vacances d'Été, j'îthons à Nice en France auve man bouôhomme. Jé tchitt'tons lé vîngt-chîn d' Juillet et j'èrtouônn'nons en Jèrri lé treize d'Août. Jé viag'geons en baté jusqu'à St Malo et pis, jé cach'chons la vaituthe jusqu'à Nice. J'dorméthons siez ma tante dans l'mitan d'la France pouor la preunmié niet et pis, j'restéthons dans eune hôtel à Nice pouor les aut' nyits. Châque jour j'îthons à la grève et jé nag'geons dans la mé. Pouor lé dîner, jé mang'geons dans des cafés. L'arlévée, man bouôhomme sé dêlass'sa probaliément à la bangnérêsse et mé j'visit'tai les monuments et les musées pa'ce qué j'aime bein apprendre des nouvelles choses! Et té, tch'est qu'tu f'thas pour les préchaines vacances? As-tu déjà boutchi tchiquechose? Si tu n'as acouo rein plianné, voudrais-tu v'nîn auve nous?

Bein à té,

Cat'linne



22/10/2018

From: [miche@jerriais.je](mailto:miche@jerriais.je)

To: [catlinne@jerriais.je](mailto:catlinne@jerriais.je)

Re: Salut!

Bouônjour Cat'linne!

Oh, tu'as d'la chance d'aller en France! Mèrcie bein des fais pour l'învitâtion mais tu sais bein qué j'n'aime pas trop quand l'fait trop caud! Pouor les vacances d'Été jé restéthai siez mé en Jèrri. J'dorméthai un tas et jé f'thai des pronm'nades avau les c'mîns à la campagne et p'têt qué j'pédal'lai sus ma bike. Si j'ai assez d'sou, jé f'thai la boutiqu'sie en ville et j'mang'geai au cafê. J'n'ithai pon à la grève car j'n'aime pon trop l' solé, mé! Bouonnes vacances ès deux d'vous Cat'linne et n'oubliez pon d'm'env'yer eune carte postale!

À bétôt.

Miché